

Filoha Rajoelina

Naka rivotra, tsy miraharaha izay fahorim-bahoaka

2

NY VALOSOAO

Gazety miseho intelo isan-kerinandro
(Talata - Alakamisy - Sabotsy)

VAOVAO

Federasion'ny baolina kitra

6

Ny 24 aogositra no hatao any
lfaty Toliara ny fifidianana

www.gvalosoa.com

gvalosoa@yahoo.com

facebook : gazety valosoa rakoto

Alakamisy 25 Jolay 2019

Laharana 934

Vidiny : 400 Ar

Fitokanana Lalana Pr Zafy Albert

5

Nanokatra lalana ho an'ny demokrasia sy ny fampihavanam-pirenena Lalao Ravalomanana sy ny CUA



ANTANANARIVO RENIVOHITRA

6

Tsy hijaly amin'ny tondradrano intsony ireo mponina eny amin'ny faritra iva



Fifidianana ben'ny tanàna

2

Hifanome tanana amin'ny TIM ny TMMR

Fahasalamana

6

Polisy vaovao miisa 1098 nanome rà maimaimpoana

Fiarovana tontolo iainana

7

Ala honko iray tapitrisa fototra no indray hovolena

Daka kely
Toa saro-piterahana ndray lay governemantanareo ry Boaikely a !

Kaominina Mahajanga

3

Tokony hampidirina am-ponja ny ben'ny tanàna hoy ny sendikà



RAHARAHAM-PIRENENA

Ny depiote IRD ihany no hamingana ny Filohany

Maro an'isa ao amin'ny Antenimieram-pirenena ny avy amin'ny fitondrana...

hisian'ny fingampingana madinidinika. Mbola ady seza sy tombontsoa avokoa no mahatonga izay.

Mifamingana ara-bakiteny hoy ny fitenenana. Ny hiafarany dia tsy maintsy hisy fiantraikany any amin'ny filoham-pirenena...

han'ny IRD hanaotao foana na hanao didikofehy lehibe rehefa handany lalana.

Rajaonarimpanontsana

Fiainam-pirenena

Potehin'ny fitohanana ny fiainam-bahoaka

Fomba fiteny iray ilazana ny fombam-piainana eto Madagasikara sy ny firenena ny hoe "Moramora". Tsy mirotoroto ny fombam-piainana...

dron'ny mponina ankehitriny indrindra eto andrenivohitra sy ny manodidina amin'izao fotoana izao.

ana ny vahoaka ny fitohanana ary manimba azy. Tsy hisy afaka handa, fa misy fiantraikany eo amin'ny fihariana...

satra izao? Moa tsy hankiana loha ny fiainam-bahoaka sy ny fihariany, fa avelao izy hiharitra eo aloha?

Sôh'son

Fifidianana

Mbola hitohy ny fampidirana am-ponja mpiasan'ny CENI manao ny tsy mety

Nanao tatitry ny fifidianana solombavambahoaka farany teo ny CENI, notarihan'ny filohany Hery Rakotomanana.

harenina izahay. Manodidina amin'ny teboka roa, no tena mifototra ny fanakianana: 1- Ny fiandaniana...

satria nahitan-tsoritra fiambakavakana na fiandaniana, teo am-panontsana ny andraikiny. Etsy ankan'izany, ma...

izao fotoana izao, ahafantarany be sy ny maro ny biraom-pifidianana misy azy, amin'ny fifidianana manaraka.

Nangonin'Isambilo

Ny Valosoa sy fakafaka

Filoha Rajoelina

Naka rivotra, tsy miraharaha izay fahorim-bahoaka

Ao anatin'ny fahasahiranana tanteraka ny vahoaka Malagasy, mbola mahita aleha any ivelany ny filoham-pirenena Andry Rajoelina.

Rajaonarimpanontsana

Fifidianana ben'ny tanàna

Hifanome tanana amin'ny TIM ny TMMR

Hifanome tanana amin'ny antoko Tiako i Madagasikara (TIM) ny TMMR na ny Tanora Manohana an'i Marc Ravalomanana amin'ny fifidianana ben'ny tanàna ho avy eto amintsika.



Tsiry avy amin'ny TMMR.

Hifanome tanana manontolo dia tarihan'ny ANDRIAMI-HANTASOA Mahombiniaina Tsiry Malalaitiana, mo-nina ao Ambohipadianana Antsahabe BONGATASARA faritra Analamanga.

Isambilo

Ny Valosoa sy hadihady

Governemanta : tsy misy ny isa roa raha tsy misy ny telo

Taorian'ny fihetsiketsehana notarihan'ireo solombavambahoaka 73 teo aloha, ny volana aprily 2018 dia hoy tonga teo amin'ny toeran'ny Praiminisitra i Ntsay Christiana. Niaraha-nahalala fa tsy nisy nahafantatra ireo solombavambahoaka na Mapar, na Tim na tsy miankina hoe iza no nanolotra ny anarany tamin'ny filohan'ny Repoblika tamin'izany fotoana izany. Samy nanantena ireo mpitarika ny hetsika fa iray amin'izy ireo no ho teo amin'izany toerana izany. Fantatra anefa taty aoriana fa i Rajoelina Andry no nanolotra azy ka dia niditra tao amin'ny governemanta avokoa ireo lohandohan'ny mpisorona izany governemanta Ntsay izany no nanatanteraka ny fifidianana filoham-pirenena ny volana desambra 2018. Na dia nisy amanjatony aza ny fitoriana sy fitarainana momba ny tsy fahatomombanana ny hala-bato sy ny hosoka tamin'ny fifidianana iny dia namoaka didy "tsy azo ivalozana" ny Fitsarana Avo momba ny Lalampiranonana fa lany ny filohan'ny Repoblika IV ankehitriny. Iny vokatpifidianana nivoaka iny no nampalaza ilay fitenenana: "azo raisina fa tsy mitombina". Mazava ho azy fa notendren-dRajoelina Andry ho praiminisitra indray Ntsay Christian ary dia mbola izy ihany no nanomana ny fifidianana solombavambahoaka ny volana may lasa teo. Tsy nisy niova ihany koa ny mpikambana ao amin'ny Vaomieram-pirenena mahaleotena misahana ny fifidianana (CENI). Lasa ny "zato andro" indroa fa tsy nisy fivoarana ny fiainam-pirenena ary vao mainka mikorosy fahana ny fiainan'ny Malagasy. Nahazo vahana sy niha-mafy ny kolikoly sy ny tsy fandriampahalemana, manginy fotsiny ny ady tany manerana ny Nosy. Nirosy tamin'ny fifidianana ary nokitihana ny lisitry ny mpifidy kanefa raha fanatsarana no nandrasana dia ny nifanohitra tamin'izany no nitranga. Tsy tambo isaina intsony ny fandikan-dalana nataon'ireo kandidam-panjakana (IRD). Nialy izany avokoa ny rehetra ary na ny Vaomieram-pirenena mahaleotena misahana ny fifidianana aza dia nialy izany. Na teo aza ny fitoriana efa nananika ny fitonjato dia mbola nahazo toerana va-

lopolo mahery ao amin'ny Antenimieram-pirenena ny "isika rehetra miaraka amin'i Andry Rajoelina" dia "azo raisina ny fitoriana fa tsy ampy ny porofo" hoy indray ny Fitsarana Avo momba ny Lalampiranonana. Ny nahagaga ny mpandrika dia ny ampitson'ny namoahana ny voka-pifidianana dia niantso mpanao gazety ny roapolo tamin'ireo telopolo mahery nirotsaka tamin'ny anaran'ny tenenany na tsy miankina fa manohana ny fitondrana. Azo lazaina fa namitaka ireo mpifidy azy ireto "solombavambahoaka" ireto satria azo antoka fa matoa nifidy azy ireo ny vahoaka tany amin'ny fari-pifidianana nirot-sahany dia noho izy ireo tsy miankina izay. Tsy azo ivalozana hatrany ny didy avoakan'ny Fitsarana Avo momba ny Lalampiranonana ka dia nivory tsy arajotoana ny solombavambahoaka ka ny fanolorana anarana ho praiminisitra no laharampamihana. Na izany na tsy izany dia nialy ny filohan'ny Antenimieram-pirenena vaovao. Razanamahasoa Christine, fa tsy voafidy ara-drainy (légitime) ny solombavambahoaka satria tsy nisy nihoatry ny efanolo isan-jato ny mpifidy nandatsa-bato ho azy ireo. Tsy nanaitra intsony satria nanaraka ny lojika politika ny mbola nandren-d'i Rajoelina Andry an'i Ntsay Christian ho praiminisitra indray. Tsy azo ovaina ny ekipa mandresy: izy no teo amin'io toerana io ka nahalany an'i Andry Rajoelina, mbola izy koa no nahazoan'ny IRD toerana valopollo mahery ka lojika politika ihany koa ny mahatafaverina azy. Ny zava-nisy anefa dia mbola variana amin'ny lalao iraisam-pirenena andraisan'ny mpikatroka malagasy ny filohan'ny Repoblika, ka nitarazoka ny fanendrena ireo mpikambana ao amin'ny governemanta vaovao. Tsy maha-rototra ny vahoaka malagasy koa izany satria raharaha "politika" ary efa miverina amin'ny andavanandrom-piainana ny rehetra ka efa nivalona ho tantara ny hetsika fanoharana ny voka-pifidianana sy ilay horakora-pifaliana tamin'ny fiverenan'ny Barea avy atsy Egipta. Araka izany dia "miandry fa gasy" ary samy ho rendriky ny torimason'ny adim-piainana indray.

Andry Tsiavalona

TETIKASA TANAMASOANDRO

Manome vahana vahiny, mamono ny Malagasy tompo-tany

Mipetraka ho baraingo hatramin'izao ny mahakasika ilay tanàna vaovao antsoina hoe « Tanamasoandro » vao haorina . Baraingo satria hay misy ambadika ny fanamboarana azy io. Rehefa tena zohiana ny raharaha dia hatao fakana ny tanin'olona fotsiny izy ity ary ireo clona ambony ao amin'ny fitondrana no mahazo tombony, dia homena ny vahiny izany tany izany avy eo, ireo vahiny

no voalaza fa hanangan-javatra amin'ny tanin'ny Malagasy. Izany hoe: homena vahana ny vahiny fa voncina kosa ny Malagasy tompo-ny tany. Rebi-rebena amin'ny Maquettes isan-karazany ny vahoaka dia roboka avokoa sodokan'ny fampisehoana etsy sy eroa. Ny orin'asa hanao ny asa koa mbola tsy misy mahalala fa afenina satria iray tarika amin'ny fitondrana koa no mbola

ao ambadika dia vahiny araka ny voalaza. Aferafera daholo izany rehetra izany , toy ny mahazatra ary volabe no mi-hodina ao anatin'izany . Rehefa vita ilay Tanamasoandro dia izy amin'ny Malagasy tsy mandady harona no hisitraka izany ? Mety ho takatry ny fahafa-mividin'ny mponina ve izany ? Iarahamafantatra ny fahasahiranana'ny vahoaka fa ny hanina anio tadiavina anio.

Ny mponina any lavitra rehetra any ve afaka ny hipetraka amin'ilay tanàna vaovao? Tsia avy hatrany ny vahiny. Izany hoe, efa misy sahady ny tsy fitoviana eo amin'ny sary Malagasy. Ao ny mipetraka amin'ny trano lehibe sy tsara. Ao ny zara raha mahita hisitrihana. Mahita ny anjara masoandro amin'ilay Tanamasoandro tokoa ve ny Malagasy?

Rajonarimponantsana

Kaominina Mahajanga

Tokony hampidirina am-ponja ny ben'ny tanàna hoy ny sendikà

Misy ny fanambarana avy amin'ny sendikan'ny mpiasan'ny Kaominina Mahajanga. Matahotra ny fisamborana saika ho ataon'ny polisy eny amin'ny commissariat central ny polisy ny Mahajanga ny ben'ny tanàna ao amin'ny kaominina Ambanivohitra Mahajanga voalohany Mokhtar Salim, ka namaly ny antso faha 4 nataon'ny polisy ihany, hoy ny fanambarana. Ny alakamisy 18 jolay 2019 tamin'ny 4 ora hariva no tonga teny amin'ny Commissariat Central de Police Mahajanga ny ben'ny tanàna Mokhtar Salim ben'ny tananan'i Mahajanga Voalohany , izay voafidy tao amin'ny VONDRONA MAPAR. Efa intelo nandefasana fiantsoana io ben'ny tanàna io fa tsy nipo-

tra , nanapa-kevitra ny Commissaire Central de Police fa raha tsy mamaly ny antso faha 4 (Andriatomanga Mokhtar Salim dia hiditra any amin'ny fisamborana ny polisy , ka natahotra io ben'ny tanàna MAPAR io, izay misehoseho fa akaiky ny filoha ANDRY Rajoelina, ka nanohina ny antso faha 4 nataon'ny police eny amin'ny COMMISSAIRE Central Mahajanga . Toy izao ny fipetraky ny raharaha Nisy ST N° 55/ PR/CC/19 du 08 mai 2019 navaokan'ny fit-saràna ambaratonga voalohany MAHAJANGA nankeny amin'ny commissaire central mba hampanao fanadihadiana io ben'ny tanàna MAPAR io ary hanao déferement , satria FANDIKAN-DALANA GOA-

VANA no nataony teo anatrehan'ny mpiasa 20 eo ho eo , izany hoe : FANOHERANA DIDIM-PITSARANA RAKITRA AVY AMIN'NY CONSEIL D' ETAT DE LA COUR SUPREME ANTANANARIVO IZAY EFA MISOY SIGNIFICATION COMMEDEMENT DE HUISSIER DE JUSTICE no nataony. Misy mesure Abusive noraisin'ANDRIATOMANGA Mokhtar Salim teo anatrehan'ny mpiasa , ka nahazo rarahiny teny amin'ny conseil d'Etat de la cour suprême ireo mpiasa ireo . Tokony hanao vola 400 000 000 fmg io ben'ny tanàna MAPAR io saingy toheriny ny Grosses rehetra izay tonga eny aminy no nasetriny . Manaitra ny sain'ny MINISITRY NY FITSARANA NY MPIASA MPI-

TORY fa araka ny henon-dry zareo teny amin'ny polisy dia misy mpisara ao amin'ny tribunal de 1 er Instance Mahajanga toa tsy manaiky ny hanaovana déferement ny ben'ny tanàna Mapar eto Mahajanga I , fa dossier no alefa eny amin'ny PARQUET MAHAJANGA . Misarika ny sain'ny Minisitry ny fitsaràna ny VICTIME ny hoe fandikan-dalana goavana tahaka izany ve no tsy nisy déferement ? Tokony ho amin'ity semaine du 22 à 26 juillet ny déferement. Ny fahafantarany mantasy dia tokony hiditra amponja ny olona manohitra grosse. Ny sendikan'ny mpiasan'ny kaominina Ambanivohitra Mahajanga tel 0348921023

Nangonin'i Hellsoa

Rain'ny demokrasia sy ny fampihavanam-pirenena

Ny tantaran'ny Profesora Zafy Albert

Anisan'ireo ray amandreny nandrafitra ny tantaran'i Madagasikara lato amin'ny 50 taona farany ny filoha Pr ZAFY Albert. Na teo amin'ny tontolo politika na ny ara-piarahamonina fa indrindra ny sehatry ny fitsaboana. Ny taona 1972 no nidirany voalohany teo amin'ny sehatra politika rehefa notendren'ny Jeneraly Gabriel Ramanantsoa ho minisitry ny fahasalamana sy ny raharaha sosialy nandritra ny fitondrana telezamita ny taona 1972, ka hatramin'ny taona 1975. Taorian'ny namonoana ny kolonely Richard RATSIMANDRAVA izay nandimby ny jeneraly RAMANATSOA dia ny Capitaine de corvette Didier RATSIRAKA no nanohy ny fitantanana ny telezamita ary nitondra ny fotokevitra "revolusiona sosialista". Tsy nety tamin'ny Pr Zafy Albert ny fanovana nentin-dRatsiraka Didier, ka niala tsy ho minisitry izy, ary niverina tamin'ny asa maha mpitsabo azy. Tsy nijanona hatreo anefa ny tantara politikan'i Profesora fa nanangana ny antoko UNDD (Union Nationale pour la Démocratie et le Développement). Rehefa namela malalaka ny fahasamihafa ara-potokevitra politika ny filoha DIDIER RATIRAKA, Taorian'ny krizy politika ny 1991 dia nahita ny marimaritra iraisana ireo antoko politika nijoro, ka nanangana fitondrana telezamita, ny Pr Zafy no notendrena Filohan'ny fahafam-panjakana ambony namomboka ny taona 1993. Niala tamin'ny toerany ny taona 1996 rehefa notsipahan'ny Antenimierampirenena. Torian'izay dia nirotsaka ho fidiana filoham-pirenena tamin'ny 1997 ny Pr ZAFY ka nivoaka laharana faha 2 taorian'ny Amiraly Didier RATSI-RAKA. Taorian'io dia tsy nitsahatra ny nitondra fanehoan-kevitra ny Pr ZAFY ALBERT nandritra ireo disadisa politika nitranga telo amin'ny firenena. Ary nitovy hatrany ny fampihavanam-pirenena, raha ny fanazavana nentin'ny solontenan'ny fianakaviana, Serge Zafimahova. Ankotra ny maha mpanao politika azy dia fantadaza maneran-tany teo amin'ny tontolon'ny fitsaboana ny Pr ZAFY ALBERT. Nandalina fahalalana tao amin'ny fakioiten'ny Médecine Unversiten'Antananarivo sy tany ivelany ary mitondra ny laharana Professeur émérite. Ary manana ny mari-pahaizana licence amin'ny taranja Mathématique ihany koa. Nanana fijery lavitra ny Pr ZAFY Albert teo amin'ny fanaovana politika. Anisan'ny nimamimatsesany ny hisian'ny fampihavanam-pirenena. Ny taona 2002 no namombohany nitovy izany nandritra ny fitadiavam-bahaolana noho ny krizy politika nampifanandrina ny filoha mirahalaly Didier RATSIRAKA sy Marc RAVALOMANANA. Dia mbola novisavisaiky nandritra ny fihazonana tany MA-PUTO sy ADDIS ABBEBA nentina nandaminana ny disadisa politika teo amin'ny Filoha Marc RAVALOMANANA sy ny fitondrana telezamita notarihan'ny Filoha Andry RAJOELINA. Raha natao fihomehezana ihany izany tany aloha dia ankehitriny nananganana Andrimpanjakana manokana nampiasalorana ny anarana Komitin'ny Fampihavanam-pirenena, araka ny voarakitra ao amin'ny Lalampiranonana ny Repoblika faha 4.

Stefa

TONONKALO
DEPIOTE HIFAMPIARO ?
Depiote hifampiaro , izany indray no tarigetra ?
Sao dia misy teti-dratsy na koa hevitra voretra
Izay ketrehina sahady dieny aty am-piandohana,
Hanavotiana ny ratsy mbola any am-pigadrana ?
Depiote hifampiaro, izany indray no tarigetra ?
Dia hiaraka hirona, hampandresy ny amboletra ?
Mba ny tsara no iombony sy arovy tsy hivena
F'aza dia miety lava ho depiote mpivarotena !
Depiote hifampiaro ? Angaha tsy efa izany hatrany ?
(Ireo mpamerin-taona ange no tena havanana amin' izany !)
Sao hadino ny tantara na niniana nohadinoina ,
Moa tsy vola hatrany hatrany ny anareo no notom-poina ?
Depiote hifampiaro ? Amin'ny inona kanefa ?
Aminao indrindra izany no mipaka sy miantefa ,
Dia ianao natao ho lohany sy noheverina ho modely,
Saingy mahalasa saina fa tsy izany velively !
DADAN'i ZINA (20-07-19)

An-tsary misongadina Ny Valosoa Vaovao

Helisoa

Ny lanonana fitokanana ny lalana Pr Zafy Albert teny Ivandry omaly.



Sakafo Ny Valosoa



Saosisy sy anana indray no laoka amin'ny Sakafo eto amin'ny gazetinao androany. Tsara raha hasiana lasary karaoty na voatabia miaraka aminy. Dia mazotoa homana tompoko.

NY VALOSOA sy Mahasoa Fomba famonoana vitsika maro

Fikafika hamonoana vitsika indray no Mahasoa eto amin'ny gazetinao androany. Zavatra ilaina:
 - vinaigre blanc : atao amin'ny éponge dia apetraka eo amin'ny toerana andalovany na afangaro ny vinaigre sy poivre dia araraka amin'izay misy vitsika sy eo amin'ny lavaka izay ivoahany.
 - ny tsaoka(la craie) vovony.
 - ny tain-kafe,
 - ranona voasary makirana,
 - sira vaingany,
 - vovona canella,
 - hasina tongolo gasy,
 - eau de javel,
 Samy araraka amin'izay toerana misy vitsika daholo ireo. Raha toa anefa ka tsy te-hampiasa ireo dia afaka mampiasa famonoana bibikely (insecticide) saingy tsy dia tsara raha misy zaza no mampiasa insecticide.



NY VALOSOA sy Mahavariana Ny tanànan'i Mahabo any amin'ny faritra Menabe

Ny tanànan'i Mahabo any amin'ny faritra Menabe indray no Mahavariana sy Mahaliana eto amin'ny gazetinao androany. Kaominina an-drenivohitra ity tanàna ity. Somary iva toerana ihany ity tanàna ity satria 130 m ny haavony miohatra amin'ny ranomasina. Lalovan'ny ranon'i Dabarà izany tanàna izany, izay manondraka velaran-tany maro amin'ny faritra iny. Vokatry any ny vary, miompy omby koa ny mpoinina. Faritra mena amin'ny tsy fandriampahalemana ny any an-toerana.



FAHASALAMANA

Polisy vaovao miisa 1098 nanome rà maimaimpoana

Nanome rà maimaimpoana ho an'ny vahoaka Malagasy ireo Polisy vaovao, vao nivoaka ny herinandro teo miisa 1098 tao amin'ny andiany "FENITRA", teny amin'ny HJRA Ampefiloha. Nitarika azy ireo ny Minisitry ny filaminam-bahoaka ny Contrôleur General de Police RAFANOME-ZANTSOA Roger ary nilaza fa: "fanampiana sy ho vonjy aina ho an'ireo mpiaray tanindrazana no nanaovana izao adidy

izao satria izay manome rà dia mamony aina, manome aina". Nisaotra ny Polisy-pirenena ny tompon'andraikitra avy ao amin'ny HJRA tamin'izao hetsika izao nohon'ny fahafoizany ny ràny ho famonjena ny mpiara-belona. Hiparitaka hiasa amin'ireo tanàn-dehibe manerana ny Nosy ireto polisy vaovao vao nivoaka ireto, hiady amin'ny asan-jiolahy, handamina ny fifamoivoizana ihany koa.

Ny Valosoa



Ny fanomezan-drà nataon'ireo polisy vaovao tetsy amin'ny HJRA Ampefiloha.

Antananarivo Renivohitra

Tsy hijaly amin'ny tondra-drano intsony ireo mponina eny amin'ny faritra iva

Vita ny fanavaozana ny « station de pompage » etsy Andavamamba Anatihazo Isotry rehefa namboarina sy nokarakarina nandritra ny 2 taona. Nahazo fotodrafitr'asa manaraka ny teknolojia avo lenta afaka mitroka sy mamarina ny rano maloto avy any amin'ireo fokontany manodidina azy ho any ivelany Antananarivo araka izany ireo mponina izay eny amin'ny faritra iva. Araka ny namberan'ny tompon'andraikitra avy eo anivon'ny Kaominina Antananarivo Renivohitra (CUA) dia voavaly ny hetahetan'ireo mponina mahakasika ny fiakaran'ny rano eny amin'ireo faritra iva ary azo heverina ny tsy hisian'ny rano miakatra eny amin'ireo faritra ireo rehefa tonga ny fotoam-paha-



varatra. Nanambara ihany koa ity tompon'andraikitra ity fa « station de pompage » dimy no miasa eto an-dRenivohitra ary raha miasa araka ny tokony ho izy ireo dia ho foana tanteraka ny olan'ny mponina rehefa mikija ny orana eto an-dRenivohitra. Omaly dia

tonga teny an-toerana avokoa ireo tompon'andraikitra izay nitoto nahafotsy sy nahandro nahamasaka ity tetik'asa ity, mba hijery ny fahavitany ny fotodrafitr'asa, ankoatra izay ihany koa dia nanao andrana ara-teknika ireo teknisianina manam-pahaizana avy

any ivelany. Raha araka ny voalazan'ny tompon'andraikitra avy eo anivon'ny Kaominina Antananarivo Renivohitra hatrany dia tena manana andraikitra goavana ihany koa ny mponina amin'ny fikajiana sy fikoloana izao fotodrafitr'asa izao, toy ny fitandroana tanteraka ny fahadiovan'ny lakan-drano, ny tsy fanariana ny fako any anaty tatatra fa ahiana mety hanimba ny fotodrafitr'asa izany. Manentana ny mponina araka izany ny Kaominina Antananarivo Renivohitra mba samy hitandro sy hanaja ireo fotodrafitr'asa izay natao, mba ho tombontsoan'ny be sy ny maro satria Antananarivo dia soa iombonan'ny Malagasy.

Aly

Federasiona Malagasy ny baolina kitra Ny 24 aogositra ho avy izao no hatao any Ifaty Toliara ny fifidianana

Fantatra izao fa any Ifaty, distrikan'i Toliara II, amin'ny 24 aogositra 2019 ho avy izao no hatao ny fifidianana, izay ho filohan'ny Federasiona Malagasy ny baolina kitra vaovao, na filohan'ny FMF vaovao. Ankoatra izany, ho fantatra amin'ny 2 Aogositra izao ny lisitra ofisialin'ireo kandida ho filoha. Namoka lisitra vonjimaika an'ireo kandida nahafeno fepetra sy nahatonga ara-potoana ny dosie firosahan-kofidiana ho filohan'ny Federasiona malagasy amin'ny baolina kitra ny Comité de Normalisation FMF afak'omaly. Enina no nametraka ny dosie, dimy no nahafeno fepetra. Sady efa tara vao nametraka antontan-taratasy, no tsy nahazo ny « cautions 3 », na filohan'ny ligimparitra telo farafahakeliny takiana hiantoka ny firosahan-kofidiana, i Jean Noël Abel ka tsy voatazona. Manana hatramin'ny 26 jolay 2019 farafahatarany amin'ny 5ora hariva i Jean Noël Abel hanao fampakarana ny fanapahan-kevity ny Comité de Normalisation raha toa ka tsy afa-po. Doda Andriamiasaso, Mohamed Abdullah, Arizaka Raoul Rabekoto, Hery Rasoamaromaka, ary Neyptraiaky Rakotomamonjy no voatazona ny firosahan-kofidiana. Hivoaka amin'ny 2 aogositra 2019 ny lisitra ofisialin'ireo kandida ho filohan'ny Federasiona malagasy amin'ny baolina kitra (FMF), hatao amin'io ihany koa ny antsapaka handaharana ireo kandida ao anaty «Bulletin unique ». 30 amin'ireo 37 nametraka antontan-taratasy firosahan-kofidiana kosa no voatazona ho kandida mpikambana ao amin'ny komity Mpanatanteraka ny FMF.

Lita



Ny tanànan'Ifaty, hanaovana ny fifidianana ny ho filohan'ny FMF.

Fikarohana momban'ny tany mamokatra Kaominina 23 no voakasika

Ho fanatsarana hatrany ny kalitaon'ny vokatra eto anivon'ny Faritra Vakinankaratra dia nisy atrikasa fanolorana ireo voka-pikarohana momba ny tany eto Vakinankaratra, nataon'ireo mpianatra avy amin'ny Oniversite an'Antananarivo ny herinandro teo, tetsy amin'ny Imperial Hotel. Raha ny tsapa mantsy dia efa tsy mahaleo ny tolotra ny tinady eo amin'ny famokaram-bokatra intsony tany sasany ary efa hifa fa mitombo ihany koa ny mponina, ka miakatra ny filàna ara-tsakafo, ka ho fanomezana fahafampo ny mpanjifa ary dia nisy ny fikarohana natao mahakasika ny tany ahafahana mamokatra izay. Zava-dehibe araka izany ny fisian'ny fikarohana tahaka izao raha ny namberan'ireo tompon'andraikitra teo anivon'ny Faritra Vakinankaratra, nosolin'Andriamatoa Tale miadidy ny fampandrosoana eo anivon'ny Faritra, RAKOTOARIVELO Rivo Herindray nandritra ny fandraisany fitenenana, mba hahafantarana ny kalitaon'ny tany ary indrindra ahafahana mampitombo ny vokatra, sy ahafantarana ihany koa ny karazamboly mety aminy. Izany rehetra izany dia mitodika sahady amin'ny tanjon'ny fitondram-panjakana ankehitriny dia ny faheleovantena ara-tsakafo. Distrika 4 tato anatin'ny Faritra no nanaovana ny fikarohana dia ny Distrikan'i Faratsiho, Betafo, Mandoto ary Antsirabell izay nahitana Kaominina miisa 23. Izany dia fiaraha-miasa tamin'ny CONSORTIUM, CARITAS ANTSIRABE, FTM/CPM ary ny ENTRE AIDE et FRATERNITE. Ny ARES na ny "Académie de Recherche de l'Enseignement Supérieure" kosa no namatsy vola sy noentina nanatanteraka ny fikarohana. Izany no natao dia noho ny fahafantarana fa mihena ny vokatra miakatra ka tsy maharaka intsony ny filan'ny mponina andavanandro.

Solohery

SARIITATRA : Tsy miasa intsony ny dosie Miami fa kobaka am-bava fotsiny



An-tsary misongadina Ny Valosoa Vaovao

Helisoa

Ny lanonana fitokanana ny lalana Pr Zafy Albert teny Ivandry omaly.

